

KRONIKA. Aurrekoetan ez bezala, atzo jendetza izugarria bildu zen Durangon; baita idazle eta musikariak ere

Jendetza handia, baina bustita

Euria egin zuen egun osoan, eta itoginen erruz hainbat liburu hondatu ziren, argitaratzaileak urduri jarritz

Ainara Gorostitzu | DURANGO

Goizean goiz jaiki, arin-arinka prestatu, autoa hartu eta Durangora. Bidean euria. Eta iristean ere euria. Autoa aurreko egunetako lekuan aparkatzeko intentzioz gurutzatu eskuinera eta ezin; tokirik ez aparkatzeko. Hala moduz, non-bait utzi, aterkia hartu eta karpapera. Gora begiratu eta laino beltzak nonahi, eta noiz behinka behera ere begiratu behar dela oroitu ginen; geroago, hanka putzuan sartua geneukan ordurako. Hirugarren egunari hasiera eman genion. Hala moduz. Baina egun denak ez dira berdin. Atzokoa ez zen aurrekoak bezalako eguna izan. Atzokoan bai, atzo Durangoko azoka hasi zela esan zitekeen. Karpa barrualdeak urteroko itxura hartu zuen. Ikasleen eta profesionalen egunean arrotz zitzaigun azoka, baina atzokoa egun jendetsua izan genuen.

Jendea erruz etorri zen atzo, aurreko egunekin alderatuz. Saldoka, ibaika. Jendea bildu zen Kalebarrin, jendea Goienkalen, Ostekokalen, Artekalen, Bekokalen eta Barrenkalen. Aurreko egunetako hutsuneak behalakoan bete ziren.

Prentsa bulegoa ere aurrekoetan baino beteago zegoen atzo, mahaitxo bat hartu genuen guretzat, ordenagailuak prantatu eta lanera.

Itzuli bat egin genuen. Ehun metroko lasterketan marka berri bat ezarri ere bai. Gutxiak behar izango zuten hainbeste denbora horretarako. Mugi-



MARISOL RAMIREZ / ARGAZKI PRESS

HIRUGARRENEAN, BAI. Ohiko itxura hartu zuen atzo azokak, herenegungo hutsuneak atzean utzita. Pazientziarik ez duenarentzat zoramena izan zen, eta saltzaileentzat, egun ona.

mendu handia zegoen, eta eza-gunak ere ugari. Mahaien beste aldean, nola ibilian. Jon Sarasua eta Andoni Egaña ikusi genituen tartean-tartean; baina ez ziren bakarrak izan, idazleek eta musikariek zita zuten atzokoan. Haritz Gorrotxategi, Edorta Agirre, Joan Mari Iri-

goien, Aitor Arana, Xabier Gantzarain, Jon Arretxe, Joseba Tapia, Asier Serrano, Xabier Montoia, Iñigo Txapelpunkekoa, Laura Mintegi, Paul Nicholson, Karlos Garaikoe-txea, Unai Elorriaga, Tere Irastortza, Iñaki Mendiguren eta beste hamaika ezagun ikusi

genituen saldu eta sinatu, eta begiratu eta erosi.

Ez zen errenta disko eta liburu bat eskuratzea. Hala esan zuen Antton Mari Aldekoa-Otalorak, Gerediaga elkarte-ko lehendakariak ere, bazkalosteko balorazioan. «Eskerrak eman» nahi izan zizkion, lehenik eta behin,

PROTAGONISTAK

Liburu eta diskoez gain, euria eta jende ezaguna izan ziren atzoko protagonistak; idazle eta musikari ugari bildu ziren

«etorritako jendetzari, euri jasak aurreko egunetan bezala atertu gabe aritu arren, jendea erruz eta gainezka etorri zaigu», adierazi zuen.

Euri kontuak

Baina euria, tamalez, ez zen kanpoaldean bakarrik gelditu. Itoginak zeuden atzo. Liburu eta disko ugari busti zituen urak, batzuk hondatzeraino, argitaratzaileengan egonezina eta hase-reea sortzeraino, «bihar ez etortzeko gogoia ematen du», entzun genion editore bati baino gehiagori. Gerediaga elkarte-ko ere adierazi zuten euren urduritasuna: «badago segurua, baina ez da hori kontua, liburuak eta hondatu egiten dira, eta horrek egonezina sortzen du. Ez dakit barkamena eskatu behar dugun horregatik, hori gure gaitetik dagoen zerbait da. Horregatik, apaldu egiten da gure poza, ezin dugulako ondo erantzun», adierazi zuen.

Azken orduraino jendea ibili zen; asteazken eta osteguneko parteak. Bakarren batek aterkia ere ireki zuen karpapean. 20:00etan argiak itzali zituzten eta atek itxi. Baina euriak ez zuen atertu.

GOR NOBEDADEAK

JOUSILOULI
"Terrorista"

ADOS

SKALARIAK
Bideoa

EKON
"Salatzen dut"

ASGARTH
"III"

MANUEL DE FALLA 2 - 31005 PAMPLONA-IRUÑEA 948151815-948151842 GORDISKAK@YAHOO.ES WWW.GORDISCOS.COM